



REPUBLIKA E SHQIPËRISË  
BASHKIA PËRMET  
KËSHILLI BASHKIAK

V E N D I M

(Adresa, Sheshi "Abdyl Frasheri", Email: [keshillibashkiakpermet@gmail.com](mailto:keshillibashkiakpermet@gmail.com))

Komisioni i Përkrahjes Sociale dhe Barazisë Gjinore

RAPORT VENDIMMARRJE

Nr. 1 datë 28/03/2025

Nr. \_\_\_\_\_ Prot

**Drejtuar:** Këshillit të Bashkisë

**Lenda:** Vendim për shqyrtimin e projekt vendimit **Për miratimin e ndihmës ekonomike për familjet në nevojë muaji Mars 2025**, datë 28.03.2025, relacionit dhe dokumentat shoqërues të Projekt Aktit.

**Analiza ligjore:** (bazueshmëria ligjore):

Në mbështetje të ligjit nr.139 datë 17.12.2015 "Për vetqeverisjen vendore"i ndryshuar me ligjin nr.38/2019 datë 20.06.2019 ligji nr.9936 datë 26.06.2008 "Për Menaxhimin e Sistemit Buxhetor në Republikën e Shqipërisë, ligji nr.9355, datë 10.03.2005 "Për ndihmen dhe shërbimet shoqërore " i ndryshuar me VKM nr.868 dt.29.12.2021 "Per disa ndryshime ne Vendimin 597 dt.04.09.2019 të K.M."Për percaktimin e procedurave, dokumentacionit dhe mases mujore te perfitimit te ndihmës ekonomike dhe perdorimit te fondit shtese,mbi fondin e kushtezuar per ndihmen ekonomike,VKM nr.85 dt.10.02.2021,nr.617,date 22.09.2022 i perditesuar: Vendimin e Keshillit Bashkiak Permet me fondet e Buxhetit Vendor.VKB nr.107 date 18.12.2024 "Per miratimin e buxhetit te bashkise per vitin 2025 dhe percaktimin e numrit te punojseve të bashkise, institucioneve në varesi të saj".

**Situata aktuale e funksionit** (përshkrim i situatës së shërbimit / funksionit):

Drejtoria e Sherbimeve Sociale dhe e Strehimit, në bashkëpunim me kryetarët e fshatrave dhe administratorët e pesë njesive administrative, vazhdon punën për evidentimin e familjeve dhe individëve në nevojë më të ngutshme për të përfitur nga fondi mbi fondin e kushtëzuar të ndihmës ekonomike. Ky proces është dinamik, pasi kushtet dhe rrethanat e jetesës së pjesëtarëve të komunitetit tonë ndryshojnë vazhdimisht. Pas kryerjes së identifikimit, individët në nevojë, janë nxitur për të bërë kërkesë për aplikim ne Sistemin Elektronik Kombëtar për Ndhimën Ekonomike, nëpërmjet administratorëve shoqërorë , që kemi në të pesta Njësitë Administrative. Aplikimet dhe riaplikimet e reja gjatë 10-ditorit të parë të muajit Janar 2025, u kryen në pesë njësitë administrative (Përmet, NJ.A Çarshovë, NJ.A Petran, NJ.A Piskovë, NJ.A Frashër). Nga ana e administratorëve vazhdojnë të bëhen të gjitha përpjekjet, që në listën e përfituesve të **përfshihen** të gjithë familjet dhe individët në nevojë

sipas kritereve të miratuara nga ana e Këshillit të Bashkisë, por edhe **të hiqen** nga kjo listë ata që për arsye të ndryshme, si rifutja në skemën elektronike të ndihmës ekonomike, ata që largohen në emigracion për shkak të kushteve të vështira për tu vizituar nga fëmijët dhe të afërmit, atyre që u ndryshojnë kushtet e jetesës, atyre që rezultojnë me mospërputhje gjatë deklaramit tremujor, etj

**Situata financiare :** (Shtesa / pakësime në buxhet) :

Parat janë të garantuara nga të ardhurat e Bashkisë Përmet në Programin Buxhetor Perkuajdesi Social, është miratuar një fond prej 113000 mijë lek, në artikullin 606 (shpenzime për familje dhe individë), të cilat do të përdoren për familjet dhe individët në nevojë, përgjatë vitit 2025, duke i miratuar me vendime të përmuajshme të Këshillit Bashkiak.

**Drejtoria / Sektori përgjegjës:**


**Drejtoria e Shërbimeve Sociale dhe e Strehimit**

**Monitorimi dhe raportimi :** (kush monitoron, raporton dhe sa shpesh): **Komisioni i Përhershëm i "Përkrahjes Sociale dhe Barazisë Gjinore"** dhe Këshilli Bashkiak, çdo muaj dhe sa here që ata e shohin të nevojshme

**Impakti social / grupet që preken:**

Grupet që preken janë familjet ose individët që nuk kanë asnjë të ardhur, ose të ardhura të pamjaftueshme (deri në nivelin e pages minimale bruto), të jenë individë të vetmuar pa asnjë të ardhur, nën moshën e pensionit, që kanë probleme të theksuara të varferisë, të jenë pensionistë të vetmuar, të braktisur, ose çift pensionistësh me probleme të theksuara shëndetësore.

**A është objekt i konsultimit publik: Jo**



Komisioni i Përhershëm “Përkrahjen Sociale dhe Barazinë Gjinore” , i mbledhur me datën 28.03.2025, shqyrtoi projekt vendimi, relacionin dhe dokumentat shoqërues në lidhje me propozimin e paraqitur nga Kryetari i Bashkisë.

Pas shqyrtimit të projekt vendimit dhe materialeve shoqëruese,

Komisioni e me shumicë votash,

### VENDOSI

1. T’i propozojë Këshillit Bashkiak:
  - a) kalimin e projektaktit në Mbledhjen e Këshillit për vlerësim të mëtejshëm dhe shqyrtim
  - b) miratimin e projektaktit

NERIILA NEBIAJ Kryetar i Komisionit  
(emri, mbiemri, firma)

AGIM ANDONI Nënkyetar i Komisionit  
(emri, mbiemri, firma)

VALBONA MUHAJ Anëtar i Komisionit  
(emri, mbiemri, firma)

Datë 28.03.2025